



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaeer, Jean de

Antverpiæ, 1635

Prosa Exegesis.

[urn:nbn:de:hbz:466:1-68633](https://nbn-resolving.de/urn:nbn:de:hbz:466:1-68633)

*Euertit platanosque, populosque,
Diffundens nemore hospites procellas.
Felix, qui Superis die dicato,
Fucundum potuit sonare Vixi.*

PROSA EXEGESIS.

PRAECEDENTI Capite extremo eorum seu demen-
tiam seu arrogantiam perstrinxit Ecclesiastes, qui
immodicâ cupiditate in quævis vota præcipites, cælum
precibus fatigant: nunc eorum animos, qui supra ce-
teros & supra fortunam suam eminere desiderant, tri-
plici ratione compescit. Primò, quia insignis temeri-
tatis est in hac rerum humanarum caligine alta & præ-
cipio vicina sectari: præsertim cum ignoret homo,
quid sibi ad vitam benè beatęque instituendam con-
ducat. Deinde, quia momentanea huius vitæ breuitas
magnos conatus elidit, & ambitiosos in medio hono-
rum cursu destituit. Denique, quia ignorat, quod tanto
animi ardore concupiscit, sitne futuris casibus ac tem-
poribus accommodatū. Expendamus paulisper singula.

Dicebat olim Socrates, ut quis architecturæ peritiā
consequatur, aut agri colendi, aut hominibus imperan-
di, posse homines ingenio perficere, suoque arbitratu
lēligerē; sed quæ in his potissima sunt, Deum sibi re-
feruare, eorumque nihil non hominibus obscurum esse.
Neque enim constare ei, qui agrum conserit, quis mes-
sem sit collecturus; neque architecto, quis domum sit
inhabitaturus; neque imperandi perito, an imperatorio
munere fungi expedit. Scio plerisque hominum splen-
dida modestis, magnifica securis anteferri: sed

*Crede mihi, benè qui latuit, benè vixit: & intra
Fortunam debet quisque manere suam.*

Vide Xe-
nophon-

tem lib. I.

Aπομνη

Homo quid

sibi expe-

dit igno-

rat.

Ouid. li. 3.
Trist. Eleg.

4.

Z z 2 cuius

*Ambitionis
finis ruina.*

*Sueton. in
Nerone
c. 12.
Vide Baro-
nium anno
Christi 44.*

*Seneca E.
pist. 94.*

*Sueton. in
Julio Cæs.
c. 76.*

Dan. 4, 30.

cuius limites vbi semel transgressus fueris, nullus ambitioni terminus est, nisi præcipitum, aut ruina: idemque contingit quod in fabulis testudini, quæ cùm volatum affectasset, ab aquilâ in sublime euecta, moxque ab eadem diuissa, ipso lapsu collisa est: aut quod Icaro cuidam sub Nerone (quem Simone in Magum fuisse Philastrius cum aliis affirmat) qui cùm volatum tentasset, primo conatu iuxta Principis cubiculum decidit, ipsumque cruore respersit. Sic ambitiosus quilibet nolum cupiditati suæ terminum præfigit, nulloque potest loco consistere, non aliter, quam in præceps deiecta pondera, quibus ruendi finis est, iacuisse. Quid Cn. Pompeium in Africam, quid in Septentrionem, quid in Mithridatem & Armeniam, & omnes Asiae angulos traxit? Infinita scilicet cupido crescendi, cùm sibi vni parum magnus videretur. Quid C. Cæsarem in sua fata pariter ac publica immisit? Gloria & ambitio, & nullus supra ceteros eminendi modus. Vnum supra se ferre non potuit, cùm Respublica supra se ferret duos. Neque h̄ic stetit ambitio; sed æmulo è medio sublato, nullum sibi oblatum honorem nimium putauit. Itaque & continuum gessit Consulatum, & perpetuam Dictaturam: insuper prænomen admisit Imperatoris, & statuam inter Reges, & suggestum in Orchestrâ. Sed & ampliora etiam humano fastigio decerni sibi passus est, sedem auream in Curiâ & pro tribunali, templa denique, aras, simulacra iuxta deos, pulinæ, Flaminem, Lupercos. Et quis tandem crescendi finis? non aliis quam ruina, quæ quidem in illâ ipsâ aureâ sede miserum oppressit, quâ supra ceteros eminebat. Quid Nabuchodonosorem dicam? cui extremum pænè exitium attulit diuinitatis affectatio. Certè conduci-

ducibilius illi fuit ad brutorum conditionem è folio
deturbari, quām ab insanâ multitudine diuinis hono-
ribus extolli. Nam ab hominum consortio extermina-
tus, præsentissimum animæ pabulum in brutorum
pascuis adeptus est; & inter opaca nemorum, ac lustra
ferarum, humanitatis sensum, Deique ac sui notitiam
inuenit, qui paulò ^{ante} diuinos honores exposcens,
nec Deum nec se nouerat. Ita profectò se res habet, &
in yniuersum nihil est quòd maiores animo nostro te-
nebras offundat, quām ambitio: nihil quod hominem
magis serenum suique compotem reddat, quām ani-
mi submissio. Adspiret igitur ad honorum fastigia
quicunque voluerit, & nascendi fortunam cupiditate
transcendat; ego verius cum Regio Vate pronuntia-
bo: *Bonum mihi, Domine, quia humiliasti me, ut discam* Psal. 118.
71.
iustificationes tuas.

Quod autem de honoribus asserui, idem de diuiniis Non expe-
dit homini
diuinitas cre-
scere.
dictum volo, qui alter modus est supra fortunam emen-
gendi. Tametsi enim vulgus hominum in diuinitiis api-
cem felicitatis humanæ collocet, ego tamen hæc stulta
vulgi iudicia contemnens, meaque me paupertate ac
ceteris fortunæ meæ congruis inuoluens, cum Eccle-
siaste dicam: *Quid necesse est homini maiora se querere,*
cum ignoret quid conducat sibi in vita suâ? Quid, inquam,
necessè est homini querere quod ignoret, imo vero
quod non ignoret an conducat? Quid necesse est quæ-
rere, quod inuentum non solùm inutile, sed etiam per-
niciosum esse sat nouit? Quid necesse est sequi, quod
assequi miserum est? Blandiatur aurum, quibus vo-
luerit, oblectet opum cupiditas; ego sanè nihil in vita
acerbius, nullum verius tormentum extare contendam.
Nihil opus ad hanc veritatem stabiliendam Philoso-

phorum placitis : vnica nos apud Phædrum fabella vulturis, cadaueri canis insultantis, docebit, quām veri nominis pœna sit auri cupiditas.

Phædrus
lib. i. Apo-
log.

*Humana effodiens offa thesaurum canis
Inuenit ; & violauit quia Manes deos,
Iniecta est illi diuitiarum cupiditas,
Pœnas ut sanctæ religioni penderet.
Itaque aurum dum custodit, oblitus cibi,
Fame est consumptus. Quem stans vulturius super
Fertur locutus : O canis meritò iaces,
Qui concupisti subito regales opes,
Triuio conceptus & educatus stercore.*

Vita breui-
tae coibere
debet im-
modicas cu-
piditates.

Non dispar fortuna contingit iis qui per diuitias supra fortunam conantur emergere : quorum conatus & studia ex eo etiam vanitatis redarguit Ecclesiastes, quod exiguo numero dierum peregrinationis huius circumscribuntur, & tempore quod velut umbra præterit. Ridemus, senes auaros, quod minus restat viæ, eò plus querere viatici (quid enim aliud quām inutiles sarcinas, & itineris impedimenta congerunt ?) & non ridemus nos ipsos, qui hac tantâ vitæ breuitate circumscripsi, procul à metâ abesse non possumus ? Quid enim est vita nostra ? Ait Iacobus Apostolus : *Vapor est ad modicum parens, & post hæc exterminabitur. Quid est vita nostra ? Nuntius est celeriter percurrens, gutta roris antelucani, halitus oris hibernus, spolium temporis, umbra somnium. Quid est igitur tam vanum, quām his tam angustis vitæ limitibus obseptum, opes aliquot seculis sufficiendas corradere, longam honorum seriem disponere, ad dignitates humano fastigio maiores adspirare ?*

Iacobi 4.
Sap. 9.
Sap. 11.
Chald.
Psal. 89.

Horatius
Carm. I. 2.
Od. 4.

Vitæ summa breuis spem nos vetat inchoare longam.

Et

Et ut longior esset, stultum tamen est à fortunâ rebus
que ab arbitrio fortunæ pendentibus subsidium futuri
temporis aut solatium petere, quæ cæcâ nos cupidita-
te in nocitura certè numquam satiatura præcipitat.
Quantò iucundius est nihil poscere, nec ex fortunâ
pendere? Quod enim futuri temporis incerta sors vo-
luit, quare potius à fortunâ impetrem vt det, quam à
me ne petam? Enim uero quid omnino petam, si tam
cæca futuri temporis caligo mortalium prouidentias
omnes eludit? Quid si etiam eiusmodi futura sunt
tempora, vt omnino formidandum sit ullam Reipu-
blicæ partem attigisse? Quid si etiam tam periculosa,
vt longè optabilius futurum sit in imâ plebe delitesce-
re, quam diuiniis aut honoribus inter ciues suos emi-
nere? Quis enim homini poterit indicare quid post eum fu-
turum sub Sole sit? Vnum est quod certò scitur, & uti-
liter inculcatur; seriùs, ocyùs, moriendum esse omni-
bus. Post mortem verò quod iudicium durum his qui Sap. 6.
præsunt fiet, & potentes potenter tormenta patientur. hoc
illis assidue ruminandum, qui ad altiora semper adspi-
rant. Ceterum quid earum rerum, quæ nobis in vitâ
obuersantur, optabilius sit, aut conducibilius, multis
deinceps versibus ostendit Ecclesiastes.

SECTIO SECUNDA.

ECCLESIASTES.

VERS. 2. Melius est nomen bonum, quam vi-
guenta pretiosa:

METRI-